

Nova purschida da curs davart il tema ierta

La BCG e la Pro Senectute porschan curs gratuits per senioras e seniors

Cuira, ils 12 da favrer 2019 – La Banca Chantunala Grischuna (BCG) e la Pro Senectute Grischun porschan dal mars fin il matg en tschintg lieus en il Grischun curs gratuits en connex cun l'ierta.

La BCG s'engascha activamain sco partenaria da la Pro Senectute Grischun a favur da las senioras e dals seniors. Dapi il 2006 sustegna ella curs e cussegliaziuns e promova uschia l'indipendenza e la qualitat da viver en la vegliadetgna.

Procurar per segirezza per sasez ed ils confamigliars

En il curs davart il tema ierta preschentan ils spezialists da la BCG ils suandants temas a basa d'exempels pratics: ils princips dal dretg dals bains e dal dretg d'ierta, las pussaivladads d'optimar la successiun da dretg, da transferir immobiglias durant la vita, da regalar u ceder. En pli infurmeschan els davart il dretg da giudida ed il dretg d'abitar, la planisaziun da l'ierta, il dretg da la protecziun dals creschids e la disposiziun dal pazient.

Ils curs da duas uras e mez cumenzan mintgamai a las 16.00 ed han lieu sco suonda:

lieu	data	s'annunziar fin ils
Tavau Plaz Hotel Morosani, Promenade 50	5 da mars 2019	20 da favrer 2019
Glion Hotel Eden Montana, Bahnhofstrasse 31	12 da mars 2019	27 da favrer 2019
Tusaun Hotel Weiss Kreuz, Neudorfstrasse 50	19 da mars 2019	11 da mars 2019
Cuira Auditori da la BCG, Engadinstrasse 25	2 d'avrigl 2019	20 da mars 2019
Maienfeld Swiss Heidi Hotel, Werhofstrasse 1	14 da matg 2019	2 da matg 2019

Suenter ils referats envidain nus ils participants cordialmain ad in apero. La participaziun è gratuita. Annunzias per ils curs èn da far a: Pro Senectute Grischun, telefon 081 252 75 83, per e-mail a kurse@gr.prosenectute.ch u sin gkb.ch/prosenectute.

Ulteriuras infurmaziuns davart la purschida da curs: gkb.ch/prosenectute u www.gr.prosenectute.ch.

Contact per ils collavuratur da medias:

Banca Chantunala Grischuna, Medias & Investor Relations, chascha postala, 7001 Cuiro

Thomas Müller, thom.mueller@gkb.ch, telefon +41 81 256 83 11

Nadja Maurer, nadja.maurer@gkb.ch, telefon +41 81 256 88 01

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. La banca occupa 1009 collavuraturas e collavuratur (stadi dals 31-12-2018). En il chantun Grischun cun sias numerus vals e pliras linguas, è l'interpresa represchentada cun 52 agenturas, la sedia principala sa chatta a Cuiro. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il resultat annual preschenta ella cun ina summa da bilantscha da CHF 26.5 milliardas in gudogn dal concern da CHF 185,1 milliuns. Il scrit da participaziun BCG è quotà a la bursa dapi ils 10 da settember 1985.

Termins

Radunanza dals participants:	4 da matg 2019
Rendaquint semestril 2019:	25 da fanadur 2019
